



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

§. XXI. Inimicitiaë Paris operâ sublataë.

[urn:nbn:de:hbz:466:1-47773](https://nbn-resolving.org/urn:nbn:de:hbz:466:1-47773)

plectendam illa reduceret; qua in re consequenda frustra ad eam diem Præsules & Animarum Rectores desudaverant. Vixerat in Asceterio quopiam perdita Anima (Malum Dæmonem inter cœli genios dixisses) profundè immersa in omne genus miseriarum, quæ cadere possint in eam, quam sacri parietes clauderent. Hanc Pater suavi & efficaci illâ suâ agendi ratione ad seriam pœnitudinem de admissis induxit; quo factum ut alteri ejusdem Asceterii religiosæ personæ, singularibus à DEO favoribus excultæ, misera illa divinitus obiiceretur, toto capite serpentibus implicito intricatôque, quos singulos Pater Segnerus dextrè avelleret, totûmque verticem venenata hac congerie liberaret.

§. XXI.

Inimicitia Patris operâ sublata.

SEd missis his Sacrarum Expeditionum effectis occultioribus, ad se nos vocant alia magis manifesta. Atque hæc inter primum facilè locum sibi vendicant animorum dissidia in pacem concordiamque mutata: quæ quidem conversiones tanto numero factæ sunt, paxque toties inter antea discordes firmata, ut absque jactantiæ periculo P. Segnerum appellare liceat Angelum Pacis. Sub finem diverberationum publicarum, sermonumque ad Populum, quibus maximè occasionibus Pater de hoc argumento diserebat, nunquam ferè non videre erat multos, qui in illo succensi spiritûs ardore circumcursarent ad eos inveniendos, à quibus graviter irritati offensique erant, nec sine lacrymis in genua provoluti veniam postularent, haud secus ac si injuriam intulissent ipsi, non accepissent.

F

Fuit

Fuit cum mirum quid & lepidum in hoc genere accidit: vix post diverberationem nocturnam tenebras lux iterum illata dispulerat, cum virorum aliquis celerrime in pedes erectus accurrit, ut confertam in turbam amplexu stringeret alium, qui etiamnum genibus nixus perdurabat. Hic cum collum sibi stringi adverteret, retorfit oculos ut videret, a quo invaderetur: cumque mox inimicum suum dignovisset, tam vehementi terrore percussus fuit, ut vim sibi fieri ratus magnis clamoribus opem aliorum exposceret: sed mox cognitum est, alterum illum calentibus lacrymis magnoque animi sensu pacem exposcere: quam etiam alter alteri sinceram stabilemque in loco adpromisit. Cunctis ferè locis, in quibus P. Paulus gloriosos suos sudores sparsit, bulliebant inter diversas familias, inter omnis conditionis personas, odia, & dissensiones gravissimæ, quibus occasionem dederant utilitates interversæ, calumniæ, proditiones, cædes; neque ullorum Magistratum, aut Principum Autoritas tantum valuerat, ut inveterata hæc dissidia componeret. Vis tamen illa divina, quæ nihil non potest, quæque hominum corda in manibus tenet, & pro arbitrio tractat, tam bellè de hac contumacia, fidi servi sui operam, noverat triumphare, ut in uno solo Ducatus Mutinensis oppido centum ejusmodi discordias sublatas licuerit numerare: & vix ullus unquam inventus locus est, qui ad finem perductam Sacram Expeditione, plenam perfectamque in concordia non relinqueretur. Hinc Criminalium causarum Judices & Advocati, qui ferè alienas calamitates messeri suam faciunt, de his Expeditionibus expostulabant, quod earum operam solitum sibi lucellum interverteretur.